



Parture ni Parmingguon di Minggu V Dung Trinitatis



Epistel : Poda 4 : 1 – 9
Evangelium : Lukas 6 : 39 – 42

Tema : *Ringkoti ma gumuruhon pangantusion*
Minggu, 12 Juli 2020

#####

Parhalado ni HKBP Menteng pasahathon “Selamat Ari Minggu” tu sude ruas ni huria na ro tu parmingguon sadari on, jala na mandohoti parmingguon di jabunta be. Sai dipasupasu Tuhanta ma hita saluhutna.

01. MARENDE BE No. 23 : 1 + 3; BL. 78 “Jesus hami ro dison”

1. Jesus hami ro dison, asa masihangoluan.
I pe ro ma Ho tuson, jala baen ma pardomuan ni TondiM tu tondinami, unang mampar rohanami.
3. Sondang sian Debata, hatiuron sian ginjang.
Baen ture, sondangi ma rohanami asa sonang,
Lao manjalo hangoluan pinatupaMi, o Tuhan.

02. VOTUM

(L : LITURGIS; H : Huria)

L : Marhitehite Goar ni Debata Ama dohot Goar ni AnakNa, Tuhan Jesus Kristus dohot Goar ni Tondi Parbadia, na tumompa langit dohot tano on. Amen.

Mangasahon Debata sai hamonangan do ulahononta. Ngot ma ho, ale parhinaloan! Tarsungul ma ahu di buha siang ari. Pujionku ma Ho di tongatonga ni angka bangso, ale Tuhan, endehononku ma Ho di tongatonga ni angka marga.
Haleluya...

H : (Mangendehon): Haleluya, Haleluya, Haleluya!

L : **Martangiang ma hita:**

Ale Tuhan Debata, Parasiroha na sumurung! Mauliate ma rohanami tu Ho, ala dijou Ho hami tu pangkirimon di hangoluan saleleng ni lelengna. Sai lehon ma TondiM tu rohanami, asa margogo hami mangalo hisaphisap ni rohanami jala asa hulului hami, angka na di banua ginjang i. Pargogoi ma hami manaluhon saluhut na naeng mangambat hami tu hasonangan.

Sai paganda haporseaon, pangkirimon dohot pamompomon ni rohanami, asa monang hami ro di ujungna, laho manjalo tumpal i hami di joloM ala ni AnakMu, Tuhan Jesus Sipangolu i. Amen.

.....(*Huria Hundul*)

03. MARENDE BE No. 763 : 1; BL. 763 “Molo Jesus donganmi.”

1. Molo Jesus donganmi las roham,
Jesus i pangurupim las roham.
Hot haporseaonmi dohot pos ni rohami,
mardonganhon Jesus i las roham.

Ref: Las roham, las roham, mardonganhon Jesus i las roham;
marsinondang ma di ho, bintang panghirimon i,
mardonganhon Jesus i las roham.

04. PATIK NI DEBATA: Patik V dohot lapatanna

- L : Tangihon hamu ma patik ni Debata di Minggunta sadari on, ima patik Palimahon dohot lapatanna.

PATIK PALIMAHON

Ingkon pasangaponmu do natorasmu asa martua ho, jala leleleng mangolu di tano na nilehon ni Jahowa Debatam di ho.

Dia do lapatan ni i?

On do: Ingkon dihabiaro rohanta Debata jala ingkon holong rohanta di Ibana, asa unang lea rohanta mida natorasta dohot mida angka rajanta ro di angka natuatua. Nandang jadi paroonta rimas nasida, ingkon pantun do hita jala ingkon holong rohanta tu nasida, sioloan do nasida jala sisubuton do rohana.

Songon i ma patik ni Debata.

Antong rap mangido gogo ma hita sian Tuhan Debata.

- L+H: Ale Tuhan Debata, sai pargogoi ma hami mangualahon na hombar tu PatikMi. Amen.

05. MARENDE BE No. 178 : 2; BL. 196 “Ro ma tu Jesus.”

2. Ro ma tu Jesus undukhon ma pambahenanmu na so tama.
Naeng sesaonNa do dosami dibaen mudarNa i.

Ref: Mansai las rohanta i muse,
molo ias sian dosa pe.
Sai ro ma hita tu surgo i,
laos sonang ma disi.

.....(*Huria Jongjong*)

06. MANOPOTI DOSA :

L: **Tatopoti ma dosanta tu adopan ni Debata, martangiang ma hita.**

Ale Tuhan Debata, Pargogo na so hatudosan, Parasi roha na sumurung, Ama ni Tuhan Jesus Kristus Sipangolu hami!

Hami, halak pardosa na dangol on ro tu jolo ni habangsa habadiaonMi manopoti jala manganggukhon dosanami. Mansai jotjot huarsahi hami Ho marhitehite pingkiran dohot hata dohot pambahenannami na roa i. Ndang huhaholongi hami Ho sian nasa rohanami dohot nasa ateatenami dohot nasa tondinami dohot nasa gogonami; nang dongannami, ndang doshon dirinami hubahen hami. Dibahen i tama do rimasanMu jala uhumanMu hami tu hamatean saleleng ni lelengna i. Alai na maporus ma hami nuaeng tu asi ni rohaM na godang i mangido sian nasa rohanami hasesaan ni dosanami saluhutna. Sai urupi ma hami paubahon rohanami ala ni Tuhan Jesus Kristus, Anak haholongan ni rohaM, Sipangolu hami dohot ala ni GoarMu na badia i. Ale Tuhan, sai asi ma rohaM di hami halak na dangol on! Amen.

~~~ Tangiang na hohom~~~ *Musik Organ/Piano*~~~

L: **Bagabaga ni Debata taringot tu hasesaan ni dosanta:**

Humophop hita, gabe dosa do lbana na so tumanda dosa dibahen Debata, asa gabe hatigoran ni Debata hita, marhitehite lbana.

*Hasangapon ma di Debata na di ginjang!*

H: **Amen.**

.....(*Huria Hundul*)

## 07. MARENDE BE No. 437 : 2; BL. 390 *"Tung na muba rohanku."*

2. Au na lilu hian dapot sambulongki,  
dung Jesus maringan di au.  
Nunga sae dosangki dibaen mudarNa i,  
dung Jesus maringan di au.

**Ref:** Dung Jesus maringan di au,  
dung Jesus maringan di au.  
Tung na sonang do au dung tu Jesus au lao,  
dung Jesus maringan di au.

## 08. EPISTEL: Poda 4 : 1 – 9

L: Hata ni Debata turpuk di ari Minggu on, ima na tarsurat di Poda 4 : 1 – 9, tajaha ma marsorin-sorin.

### **Sipaingot Mangapoi Mangalului Hapistaran.**

Sai tangihon ma, hamu ale angka anaha, pangajaran ni sada ama, jala ringkoti hamu ma gumuruhon pangantusion.

H: Ai poda na denggan do na hulehon tu hamu, unang tung tadingkon hamu patikku.

L: Ai ahu pe, siminik ni damang do ahu, hasudungan jala anak sasada ni dainang.

H: Jadi dipodai ibana ahu, jala didok do mandok ahu: “Sai parateatehon ma angka hatangki, jala \* radoti angka tonangku, asa mangolu ho!

L: Sai eahi hapistaran, eahi ma tutu pangantusion; \* unang tung halupahon, jala unang tundali angka hata ni pamanganku.

H: Unang tung tadingkon angka i, asa diramoti ho; sai haholongi ma angka i, asa dijaga nasida ho.

L: Parmulaan ni hapistaran, on do: Tuhori hapistaran i, jala tuhorhon sandok na niomom tumuhor pangantusion!

H: Sai parhamaol ma i, asa dipatimbul ho, marmulia do ho bahenonna, molo marparsigantungan tusi ho.

L: Lehononna do tu ulum bulangbulang hasoloan, tumpal na jagar situtu basabasahononna tu ho.”

**Ima sahatna.** Martua do angka na tumangihon Hata ni Debata jala na umpeopsa. Amen.

## 09. MARENDE BE No. 690 : 1 + 3; BL. 690 *“Hibul rohangku.”*

1. Hibul rohangku tu Tuhan Jesus  
sude ngolungku di Tuhan Jesus.  
Ihuthononku do Tuhan Jesus,  
ndang olo au sumurut be.

3. Tung so adong pe na olo dohot,  
alai rohangku sai marsihohot.  
Tung so adong pe na olo dohot,  
ndang olo au sumurut be.

.....(*Huria Jongjong*)

## 10. MANGHATINDANGHON HAPORSEAEON

L : Tahatindangkon ma haporseaeonta i, songon na hinatindangkon ni donganta sahaporseaeon di sandok portibion. Rap ma hita mandok:

H : *Ahu Porsea.....*

.....(*Huria Hundul*)

11. KOOR: .....

12. TINGTING

13. KOOR: ANUGERAH                      Lagu: "*Kau jadi saksi-Ku.*"

14. MARENDE BE. No. 481 : 1 - 2    BL. 325    "*Godang dope.*"

1. Godang dope siguruhononmi,  
asa tudos ho dohot Tuhanmi.  
Sai tong na hurang hatigoranmi,  
so tuk dope haporseaeonmi.  
Dirim saming dihalonggi ho,  
donganmu laos dihalupahon ho.
2. Tuhanta Jesus tiruanmu do,  
na holong roha di au nang di ho.  
Ai diseahon do diriNa i,  
singkatta lao tu hamatean i.  
Ndang na dialang holong roha i,  
ai naeng di hita hangoluan i.

15. MARJAMITA: Lukas 6 : 39 – 42

16. INTERLUDIUM:

17. MARENDE BE No. 730 : 1 + 3; BL. 730    "*Sai patau ma au Tuhan.*"  
*Papungu Pelean*

1. Sai patau ma diringku ale Tuhan,  
papatarhon hinauliMi Tuhan,  
suru ma TondiMi saor tu rohangki,  
lao papatar holongMu tu donganki.
3. Sai patau ma diringku ale Tuhan,  
papatarhon hinauliMi Tuhan.  
Suru ma TondiMi saor tu rohangki,  
lao patandahon diriMi tu donganki.

..... (*Huria Jongjong*)

18. TANGIANG PELEAN

**19. MARENDE BE No. 204 : 2; BL. 73 “Ndang tadingkononku Ho”**

2. Nasa na nilehonMi, tondi ro di pematangku.  
Hosa dohot gogongki, ro di saluhut artangku.  
Hupasahat i tu Ho, na so unsatonku do.

**20. TANGIANG ALE AMANAMI :**

**MARENDE :** Ai Ho do nampuna harajaon  
Dohot hagagoon ro di hasangapon  
saleleng ni lelengna. Amen.

**21. PASUPASU**

**MARENDE: AMEN, AMEN, AMEN.**

oooooooooooooooooooooooooooooooooooooooooooooooooooooooooooooooo

**KETERANGAN:**  
Persembahan khusus jemaat HKBP Menteng dapat di transfer ke:  
**BNI, No. 0010731926 (a/n HKBP Menteng)**  
**BCA, No. 4553164446 (a/n HKBP Menteng)**

**Scan QR Code**  
Melalui Aplikasi GOPAY,  
ShopeePay, DANA, OVO.  
LinkAja, tmoney, QREN,  
Paytren, OttoCash, Bluepay  
Cash, DokuPay, SpeedCash,  
Finpay Money, SPIN



## PELAYAN IBADAH MINGGU VI DUNG TRINITATIS

| Minggu, 19 /07/2020                                                                                                                         | Bhs Batak Pkl. 10.00 WIB                                               | Bhs. Indonesia Pkl. 15.00 WIB                                        |
|---------------------------------------------------------------------------------------------------------------------------------------------|------------------------------------------------------------------------|----------------------------------------------------------------------|
| <b>P. Firman :</b>                                                                                                                          | Pdt. Rita Rosmawaty Siagian, S.Th<br>(Pdt. HKBP Menteng)               | Pdt. Tulus Ompusunggu, M.Th<br>(Pdt. Ressort HKBP Menteng)           |
| <b>P. Liturgi :</b>                                                                                                                         | St. Luhut Sibarani                                                     | St. Ny. Mawar Simanjuntak-S                                          |
| <b>PW. Jmt</b>                                                                                                                              | St. Edward Napitupulu                                                  | St. Frins Siburian                                                   |
| <b>P. Tamu :</b>                                                                                                                            | St. Rudolf Tambunan<br>St. Rony SP. Tobing                             | St. Ny. Josephine Hutapea-M<br>St. Aselina Aruan                     |
| <b>Usher</b>                                                                                                                                | St. Ny. Valentina Simanjuntak-T<br>St. Donasa Hahotan Pardede          | St. Glorio T. Fernandus Siahaan<br>St. Andrew Rado M. Silitonga      |
| <b>Pengawas</b>                                                                                                                             | St. Ny. Rohana Pakpahan-S<br>St. Mangiring Purba                       | St. Dian Pardede<br>St. Bona Tampubolon                              |
| <b>Ukur Suhu</b>                                                                                                                            | St. Rizal Haposan P. Simanjuntak<br>St. Ny. Samsia Siagian-H           | St. Paruhum Aritonang<br>St. Uli Sintong Siahaan                     |
| <b>Korlap</b>                                                                                                                               | St. Martua Erickson Siregar<br>St. Paul Sipoh Hutauruk                 | St. Faber Nababan<br>St. Antony Sihombing                            |
| <b>Organis<br/>Pianis<br/>Song Leader</b>                                                                                                   | Elizabeth Hutauruk<br>Ny. Nova Sirumapea-S<br>Ny. Andini Simanjuntak-A | Ny. Meilina Umbulolo-S<br>Ny. Tarida Parapat-S<br>Jessica Napitupulu |
| <b>PS. Virtual</b>                                                                                                                          | L I D I A                                                              | AMA                                                                  |
| <b>Multimedia 1</b>                                                                                                                         | Bp. Bonardo Simanjuntak                                                | Bp. Patrick Tobing                                                   |
| <b>Multimedia 2</b>                                                                                                                         | Bp. Fadwin Siagian                                                     | Bp. Steven Bako                                                      |
| <b>Multimedia 3</b>                                                                                                                         | Ny. Astrid Hutabarat-T                                                 | Nadia Sitompul                                                       |
| <b>Camera 1</b>                                                                                                                             | Rudy Tampubolon                                                        | Bp. Jonathan Simatupang                                              |
| <b>Camera 2</b>                                                                                                                             | Demas Hutagaol                                                         | Rudy Tampubolon                                                      |
| <b>Sound System</b>                                                                                                                         | Bp. Herwin                                                             | Bp. Herwin                                                           |
| <b>Kebaktian HKBP Sukapura (Pkl. 07.00)</b> P. Firman : Pdt. Edwin Sihite, S.Th<br><b>(Pkl. 09.30)</b> P. Firman: Pdt. Elvis Marpaung, S.Th |                                                                        |                                                                      |
| <b>Kebaktian HKBP Menteng Atas (Pkl. 07.00)</b> P. Firman: Pdt. Tulus Ompusunggu, M.Th                                                      |                                                                        |                                                                      |

## PELAYAN IBADAH MINGGU V DUNG TRINITATIS

| Minggu, 12 /07/2020                                                                                                                      | Bhs Batak Pkl. 10.00 WIB                                             | Bhs. Indonesia Pkl. 15.00 WIB                                     |
|------------------------------------------------------------------------------------------------------------------------------------------|----------------------------------------------------------------------|-------------------------------------------------------------------|
| <b>P. Firman :</b>                                                                                                                       | Pdt. Edwin Sihite, S.Th<br>(Pdt. HKBP Menteng)                       | Pdt. Edwin Sihite, S.Th<br>(Pdt. HKBP Menteng)                    |
| <b>P. Liturgi :</b>                                                                                                                      | St. Pinondang Simanjuntak                                            | St. Paul Sipoh Hutauruk                                           |
| <b>PW. Jmt</b>                                                                                                                           | St. Luhut Sibarani                                                   | St. Ny. Mawar Simanjuntak-S                                       |
| <b>P. Tamu :</b>                                                                                                                         | St. Edward Napitupulu<br>St. Rudolf Tambunan                         | St. Frins Siburian<br>St. Ny. Josephine Hutapea-M                 |
| <b>Usher</b>                                                                                                                             | St. Rony SP. Tobing<br>St. Ny. Valentina Simanjuntak-T               | St. Aselina Aruan<br>St. Glorio T. Fernandus Siahaan              |
| <b>Pengawas</b>                                                                                                                          | St. Donasa Hahotan Pardede<br>St. Ny. Rohana Pakpahan-S              | St. Andrew Rado M. Silitonga<br>St. Dian Pardede                  |
| <b>Ukur Suhu</b>                                                                                                                         | St. Mangiring Purba<br>St. Rizal Haposan P. Simanjuntak              | St. Bona Tampubolon<br>St. Paruhum Aritonang                      |
| <b>Korlap</b>                                                                                                                            | St. Ny. Samsia Siagian-H<br>St. Saibun Sitompul                      | St. Uli Sintong Siahaan<br>St. Faber Nababan                      |
| <b>Organis<br/>Pianis<br/>Song Leader</b>                                                                                                | Ny. Tiolina Tumanggor-S<br>Ny. Gloria Gultom-S<br>Carolina Tumanggor | Ny. Rosalyn Firmanto-S<br>Mariana Tanjung<br>Ny. Cassie Siregar-N |
| <b>PS. Virtual</b>                                                                                                                       | ANUGERAH                                                             | VOICE OF PRAISE                                                   |
| <b>Multimedia 1</b>                                                                                                                      | Bp. Fadwin Siagian                                                   | Bp. Steven Bako                                                   |
| <b>Multimedia 2</b>                                                                                                                      | Ny. Astrid Hutabarat-T                                               | Nadia Sitompul                                                    |
| <b>Multimedia 3</b>                                                                                                                      | Bp. Evan Lumban Gaol                                                 | Bp. Samuel Doloksaribu                                            |
| <b>Camera 1</b>                                                                                                                          | Rudy Tampubolon                                                      | Rudy Tampubolon                                                   |
| <b>Camera 2</b>                                                                                                                          | Bp. Simon Sinaga                                                     | Peniel Tobing                                                     |
| <b>Sound System</b>                                                                                                                      | Bp. Herwin                                                           | Bp. Herwin                                                        |
| <b>Kebaktian HKBP Sukapura (Pkl. 07.00)</b> P. Firman : Pdt. Elvis Marpaung, S.Th<br>(Pkl. 09.30) P. Firman: Pdt. Tulus Ompusunggu, M.Th |                                                                      |                                                                   |
| <b>Kebaktian HKBP Menteng Atas (Pkl. 07.00)</b> P. Firman : Pdt. Rita Rosmawaty Siagian, S.Th                                            |                                                                      |                                                                   |